



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Dispvtatio De Dicto D. Ioannis Evangelistæ Et Apostoli:
Lex per Mosem data est: gratia & veritas per Iesum
Christum exorta est**

**Schnepff, Dietrich
Rulich, Jacob**

Tvbingæ

VD16 S 3281

[Text]

urn:nbn:de:hbz:466:1-36625

DISPUTATIO DE DICTO D.
IOANNIS EVANGELISTÆ ET APOSTOLE:
Lex per Mosen data est: gratia & veritas per
Iesum Christum exorta est.

Verè dicere possumus, Ioannem Euangelistam & Apostolum sententias locutum: et singula propè verba eius, esse apophthegmata.

2. Nihil autem de doctrina legis & Euangelij maiore elegantia, & meliore compendio dici potuit, quād quod ille in primo Euangelij sui capite scribit: Legem per Mosem datam: gratiam autem & veritatem per Iesum Christum exortam esse.

3. In his enim & vnde illæ profectæ sint, & quæ eorum sit ratio, conspicitur.

4. Nam cùm legem per Mosem datam scribit, hoc vult: dominum legem suam, ministerio Mosis prophætæ, promulgâisse.

5. Quanquam enim ipse rerum omniū dominus, incredibili pompa, legem proposuit: tamen Mosem ἵπορύτῳ & interpretem suum, ad populum Hebræū esse voluit.

6. Certum etiam est, DEI filium legē dedit: nam ab eo qui eduxerit Hebreos ē seruitute Babilonica, (is autem, teste Apostolo fuit Mediator) profecta scribitur: & tamen Mose legato, vt diximus, usus est: de qua re consulenda est historia sacra.

7. Quamvis autem promulgatio legis multis miraculis illustris sit: tamen in primis eam ob causam celebritatem meritò inuenit, quod decem illa verba ipsius DEI manu scripta sunt.

8. Dein-

Exod. 19.

Exod. 20.

1. Cor. 10.

Disputatio de

8. Deinde cùm Moses, per quem ea lata est, summo prophetá sit: ab eo quoque commédationem habet max
nam.

9. Longè autem maior gloria est Euangelij. Nam id per Iesum Christum exortum à Ioanne scribitur.

10. Etsi enim suprà diximus, Legem etiam à Christo DEI filio datam: tamen hoc ad eius maiestatem pertinet: propriè verò doctrina Euangelij; ministerio ipsius Christi: legis autem per Mosem tradita dicitur.

11. Itaque lex per insignē quidem prophetam, sed item hominem: Euangelium autem per Deum & hominem promulgatum est.

12. Et Moses quidem legem docuit, quam à Deo accepit: Christus autem eam doctrinam attulit, cum ipse author cum patre & Sancto Spiritu extitit.

13. Hinc erudite admodum Chrysostomus inter vo
Chrysost. in Ioan: bū dandi & exoriendi distinxit: cùm hoc regiam mis
Hom 13, Pag. 49*ie* statem ac imperium, illud verò seruitutem indicat videatur.

14. Huius discriminis mentionem facit Apostolus in epistola ad Hebræos, cùm scribit: olim quidem Deum patribus locutum per prophetas: extremis autem temporibus per Filium.

15. Quantò ergo Christus Mose maior: tanto doctrina Euangelij ipsa lege sublimior videri debet.

16. Et Paulus certè ipse, Corinthijs scribens, maiorem gloriam Euangelij, quod ibi vocat administrationem spiritus, quam legis, eam autem appellat administrationem mortis, meritò esse debere affirmavit.

17. Quia

H:b. 1.

2. Cor. 3.

Lege & Euangeliō.

17. Quanquam autem lex anno mundi 2454. cùm ē populo Hebræo dominus Ecclesiam sibi colligeret, in monte Sina lata; Euangeliū autem veniente Christo ad omnes partes orbis terrarum diuulgatum est: tamen post primos statim homines natos, ambæ illæ doctrinæ extiterunt.

18. Nam quamvis post primam illam cladem generis humani lex domini mirificè in mortalium animis obtenebrata fuerit; tamen manserunt quædam eius vestigia.

19. Hinc Paulus pronunciat: gentes etiam legem ostendere inscriptam cordibus: naturalem illam vocamus, quod eam ab ipsa natura & vberibus maternis arripuisse & haussisse videamur.

20. Nec dubium est primos patres, legis etiam accuratiorem doctrinam, quām ea est, quæ naturæ beneficio nobis contingit, per manus acceptam, posteritati tradidisse.

21. Nam vel ex ipsius domini colloquio, quod cum Caino habuit, facile intellexerunt, concupiscentiam etiam Deo displicere: & operam dandam, ut ne Caino nobis dominetur.

22. Non ergo habuerunt primi illi homines superficiariam duntaxat legis cognitionem: sed talem etiam, quæ eos doceret de concupiscentia frenanda.

23. Vox autem Euangeliū in ipso paradyso sonuit, cùm Deus protoplastos concione de semine contrituro caput serpentis erigeret & consolaretur.

24. Et sacrificia Abelis, Noha & reliquorum patrū, qui ante legem latam vixerunt, testantur, patres etiam

A 3 cere-

Rom. 3.

Gen. 4.

Gen. 3.

Gen. 4.
Gen. 8.

Disputatio de

ceremonias habuisse: maximè illas sacrificiorum & immolationum.

25. Et quām luculenter de Christo vaticinatur Moses capite decimo octavo Deuteronomij: cūm alius prophetam expectandum esse scribit.

26. Quamvis autem omnibus temporibus utræq[ue] doctrina in Ecclesia Dei extiterit: tamen dominus in pompa quadâ ac miraculis, & quidem ihs temporibus quæ ipsius maiestati videbantur, non modò exornuit, sed confirmauit etiam: vt eas in hominum animis accenderet, & ad accuratissimas rationes acueret & patefaceret.

27. Quod si ergo promulgationis tempus respicimus, lex Euangelio antiquior est: cūm autem ipsas doctrinas consideramus, in ipso paradiſo etiam extitit ambas dicemus.

28. Nam cūm dominus accusat primorum parentum peccatum, & maledictiones denunciat, certe doctrina legis vtitur: quæ & accusat homines & poenas incomminatur. Et suprà ostendimus, patres non modò de externa obedientia, sed animorum etiam motibus & concupiscentia eductos fuisse.

29. Concio autem de semine mulieris, doctrinam Euangelicam, breuem illam quidem, sed & nervosam, & ad solidas consolandi rationes accommodatissimam complectitur.

30. Ex his constat, toto cœlo errare eos, qui omnes homines in tres quasi classes partiuntur, & primos illos quidem, lege naturali seruatos docent; posteri-

Lege & Euangelio.

tem autem eorum lege Mosis: ultimi autem temporis homines, lege noua iustificatos tradiderunt.

31. Nec enim sine causa Dominus Euangelium suum primis patribus reuelauit: ij autem qui sub lege vixerunt, multas conciones propheticas, & luculenta de Christo vaticinia audiuerunt.

32. Itaq; etiam D. Petrus in celebri illo Apostolorum concilio testatus est, patres fide in Iesum Christum seruatos.

33. Hanc Apostolorum doctrinam, præcipui ex scriptoribus & interpretibus sacris, in primis autem D. Augustinus fuisse ostendunt.

34. Sic enim ille scribit de natura & gratia: Ea fides iustos sanavit antiquos, quæ sanat & nos: id est, Mediatoris Dei & hominū, IE S V C H R I S T I, fides: sanguinis eius fides: crucis eius fides: mortis & resurrectionis eius. Idem repetitur in libro de libero arbitrio, capite decimotertio.

August. de Nat.
¶ gratia lib.
vno cap. 44.

35. Testatur Eusebius, eos etiam, qui ante Christum natum vixerunt fuisse CHRISTIANOS. Eandem primo.

Euf. lib. Ecclif.
Hist. primo. cap.

quocq; Εὐαγγέλιον habet D. Augustinus in quæstionibus veteris testamenti. Hæc autem sunt eius verba: Prior res omnes (intelligit autem patres veteris testamenti) quotquot fidem habuerunt unius Dei, quam Salvator prædicauit, iure C H R I S T I A N I dicendi sunt. Ab initio enim Salvator venturus promissus est. Vnde Ioannes in Apocalypsi ait: Agnum occisum esse ab origine mundi. Itaq;, semper C H R I S T I A N I fuerunt,

Apo. 3..

A iij 36. Ex

Disputatio de

36. Ex his igitur satis, ut opinor, disertè ostendimus, doctrinam legis & Euangeliū semper extitisse in Ecclesia Dei: & eandem fuisse salutis rationem omnibus hominibus: suis autem temporibus, quæ à Deo dicta fuerunt, eas publicè promulgatas esse.

37. Sed & hoc obseruandum est: in veteri testamento, (quamvis vaticinia de Christo haberentur) præpūe fuisse inculcatam legem: & ideo D. Lutherus vetus testamentum vocat librum legalem. In novo

tem præcipuam doctrinam esse Euangeliū: cum quatuor coniungitur, suo quodam modo, ut infrā dicetur, lex diuina. Lutherus etiam eleganter dixit, nouum testamen-

August. lib. 2.

Quest. super

Exod. quest. 73.

tū esse librum gratiæ. Augustinus nouum testamen-

mentū gratiæ testamentum dicit, vetus autē timori-

38. At verò non satis est intellexisse, per quos dan-

Lex & Euangelium fuerint: & quando ambæ illæ

doctrinæ promulgatae sint: sed vis etiam earum omni-

accuratè inuestiganda est.

39. Incredibile enim est, quanta incommoda super-

oribus temporibus extiterint, cùm duo illa doctrinæ

genera confunderentur, & Euangelium ipsum in

Legem, & Lex in Euangelium transformaretur.

40. Diuus autem Ioannes, non tam breviter, quam

eleganter, rationes vtriusq; doctrinæ proposuit.

41. Etsi enim non attulit, secundum Dialecticorum

accuratas præceptiones, plenas definitiones: tamen

ita eas descripsit, nemo ut sit, qui ex ijs non intelliga-

quæ vtriusq; vis sit & natura.

42. Lex, inquit, per Mosem data est: gratia autem

& veritas per Iesum Christum exorta est.

43. Q

Disputatio de

43. Quo loco notandum est, Apostolum, seruiturū breuitati, Legis omnem descriptionem, ex Euangeliū quadam περιφράσει, quam definitionis loco posuisse videtur, κατὰ τὸ σωπόμενον, intelligi voluisse.

44. Nam cùm Legem & Euangeliū inter se opponat: rationibus vnius intellectis, alterius quoq; na- turam percipi posse existimauit. Deinde ḥs temporib; quibus Apostolus scripsit, Lex omnib; in ore erat: ut vel solum nomen sufficere intelligentibus videret.

45. Principiō ergo Euangeliū attributa videamus: & contrā de Lege, qualis ea sit, pauca dicamus.

46. Prius attributum est, quod sit doctrina gratiæ. Est autē, teste Apostolo, gratia recōciliatio & accepta-
tio apud Deum gratuita: qua Deus gratis per & pro-
pter Christum agentes pænitentiam & credentes recipi-
pit: & non modò peccata eis remittit, sed suam etiam
iusticiam imputat, & donat S. sanctum: qui in eis ef-
ficax est: ac nouam obedientiam inchoat.

47. Hoc cùm ex alijs multis scripturæ locis, tūm
verò Paulino illo, qui extat ad Ephesios secundo, cer-
nitur: Gratiæ, inquit, saluati estis: & hoc non ex vobis:
Dei domum est: & non ex operibus: ne quis glorietur.

48. Huic similis est locus ad Romanos quarto; vbi
disertè gratiam operibus & mercedi opponit.

49. D. etiam Augustinus libro retractationum pri-
mo, capite vigesimo quinto affirmat: Apostolum in
epistola ad Romanos, nomine gratiæ, remissionem
significare peccatorum.

50. Chrysostomus autem ea, quæ hoc loco dicun-
tur, de gratuita intelligit peccatorum remissione. Sic

*Chrys. Hom. 13.
in Ioan.*

B enim

Disputatio de

enī scribit: fieri gratiā & veritatē regis est, cū potesta-
te omnia dimittentis peccata, & benignitatis suæ do-
na confirmantis: Quare, inquit, dimittuntur tibi pe-
ccata tua: Et iterum: ut sciatis quoniam potestatem lu-
bet filius hominis in terra dimitendi peccata, dicit pa-
ralytico: Surge, tolle grabatum tuum, & vade in domi-
tuam. Vides quomodo gratia per eum facta sit: Ha-
c etenus Chrysostomus. Et his sanè verbis disser-
tendit præclarus ille Theologus, se hunc locum Eu-
gelistæ & Apóstoli Ioannis, de gratuita condonatio-
ne peccatorum, quæ à summo illo rege Domino domi-
norum profiscatur, intellexisse.

51. Hinc nomen Euangeli natum est: quod videl-
let ea doctrina læsum illud nuncium, de remissione
peccatorum, humano generi patefaciat. In hanc sen-
tentiam dicitur etiam SPIRITVS VIVIFICANS, & ADMIN-
ISTRATIO IUSTICÆ. Voluit enim sacra scriptura, brevi-
tate & elegantia illa vocabulorum, quæ sensu tincti
sunt, quasi compendio quodam, apud memoriam no-
stram, deponere ea, quorum cum suavitate meminisse
semper deberemus.

52. Ex his contrà colligimus, quid Ioannes tribuit
legi: etenim ut GRATIA gratuitam reconciliationem
significat; ita tacitè tribuitur legi ira, accusatio & con-
demnatio.

1. Cor. 15.
Rom. 4 & 7.
2. Cor. 3.
Rom. 7:
Gal. 3.
Rom. 3.

53. Hoc Apostolus varijs epithetis exprimere vo-
luit, cùm legem dicit esse potentiam peccati: ira &
mortis effectricem: administrationem mortis: literam
occidentem: quæ faciat peccatum maiorem in mo-
dum peccans: quæ concludat omnes sub peccatum:

qua

Marcii. 2.

2. Cor. 3.

Lege & Euangeliō.

Colof..

quæ omnium ora obturet: chirographum contra nos
scriptum, & alia similia.

54. Nec existimandum est, Deum patrem omnis misericordiae, doctrinam humano generi exitialem afferre voluisse. Lex enim sancta est: & ad vitam data: bona, spiritualis. At quia innocentem in hoc mundo inuenit neminem, omnes accusat & condemnat, reos faciens æternæ damnationis.

55. Cùm verò ea mortalium generi, quod à Deo creatore suo deflexit, iram domini denunciet, rectè Euangeliō opponitur: quod gratiæ & fauoris, ac proinde etiam salutis gratissima, iucundissimaq; est concilio.

56. Non tamen ideo à Domino Lex data est, ut ad nostra damna & miserias adiungeretur: sed ut esset ferula, qua ad Christum dominum incitaremur.

57. Nā cùm Lex & de admisis nos accusat, & mortem minatur, de remedio cogitare incipimus.

58. Huc pertinent elegantes illæ similitudines Paulinæ: vbile gem & carceri & pædagogo confert.

59. Etenim, vt in Academijs carceres habentur: non quibus homines ad tormenta & cruciatus includantur: sed exultantis nimium et ferocientis iuuentutis intemperies coherceatur: vt ad elegantiam morum, vitæq; innocentia leuioribus illis rationibus pertrahantur: ita Paulus scribit, CONCLVSOS fuisse homines in eam fidem, quæ erat reuelanda: significaturus, eos lege, quasi cancellis & carceribus inclusos, vt ad fidem Iesu Christi aspirarent.

B ij 50. Eadem

Rom. 7.

Gal. 3.

Disputatio de

60 Eadem planè ratione legem pædagogum nostrum vocat. Ea enim cōmītationum ferulis in amplexus Seruatoris Domini nos compellit: & vt magistrorum puerorum, castigationibus suis ad obsequium eosducunt: ita Moses legibus illis seuerioribus adiungit nos totos addicamus in obsequium Christo, & iugum ipsius leue & iucundum aspiremus.

61. Hæc tamen non ita intelligimus, quod Lex natura nos ad Mediatorem ducat: (solum enim Euangeliū nobis Christum monstrat) sed cùm eam omnium nobis animorum ostendit, cogit ut medicinam meditemur: quam in solo Christo inuenimus.

62. Quanquam autem nonnulli, superiora illa disciplinam duntaxat Hebræi populi referre voluerint, tamen nos non solum de externa pædagogia Paulum agere, sed illa accuratiore intelligimus, ubi agnitus per legem peccatis, ad Christum festinamus.

63. Nam Apostolus disertè dicit, homines conclusi sub peccatum, ut promissio Christi daretur credentibus: quod de ceremonijs & externa Hebræorum disciplina sola, intelligi nequit.

64. Sic capite quarto eiusdem epistolæ, cùm similitudine tutoris & pupilli fuisset vobis, statim subiungit beneficio Christi nos adoptionem & ius filiorum consecutos. Non ergo ibi agitur duntaxat de disciplina, quam per legem in veteri illo populo & institutam & conseruatam concedimus: sed de salutari illa pectorum agnitione, quæ nos ad Christum ducit.

65. Deniq; ut in medendi ratione chirurgi sectiunculae vtuntur, ut postea adhibeant æræd'ivæ, ac sanitatem procurent.

Lege & Euangelio.

current: ita Lex minas, maledictiones, mortisq; cruciatus, veluti ferramenta adhibet, ut ad medicum & medicinam IESVM CHRISTVM nos impellat.
66. Sic ergo Ioannes vnicō vocabulo GRATIÆ ostendit, & quid sua severitate apud nos proficiat Moses, & quam salutaris medicina nobis parata sit in seruatore Domino.

67. Ex his etiam descriptiones Legis Moralis & Euangelij confici possunt.

68. Lex enim quam moralem vocamus, est doctrina diuinitùs per Mosem tradita, exigens perfectam obedientiam erga Deum, & charitatem erga homines: quam cùm in hominibus non inueniat: non præmia, quæ obedientibus promittit, sed poenas, decernit: ut si qui lanabiles sunt, ad Christum pertrahantur: impudentes autem æternis cruciatibus addicantur.

69. Contrà Euangeliū est doctrina per Christum tradita: qua gratuita Dei clementia, remissio peccatorum, iusticia, S. sanctus, & vita æterna, per & proper Mediatorem, credentibus exhibetur.

70. Quamvis enim quædam in his definitionibus addita sint, tamen omnia complexu vnius vocabuli GRATIÆ, contineri videntur.

71. Nec ea vis ipsis doctrinis tribuitur, sed ei, qui per illas in hominibus efficax est. Nam Deus electis suis Legem ac Euangeliū proponit: atq; per eas doctrinas, in ipsorum cordibus, & seriam pænitentiam & fidem creat.

72. Nostræ enim conuersionis ipse Dominus author est: sicut scriptum est in Hieremia: Conuerte me Domine & conuertar.

Ier. 31..

73. Nec

Disputatio de

73. Nec existimandum est, vt perperam sententiam
Antinomii, Paulum omnem Legis Moralis usum ex
Ecclesia sustulisse, cum dicit, Christianos non amplius
esse sub Lege & paedagogo.

Math. 5.

74. Nam ipse Servator Dominus dicit, non venisse
vt soluat legem, sed vt compleat, eosque in regno co-
rum minimos pronunciat, qui unam ex his legibus
soluerint. Quis ergo dixerit, legem a Christo ita am-
quatam esse, vt hodie nullus ex ea ad Ecclesiam Chri-
sti fructus redire possit?

75. Res etiam ipsa docet, legem non esse in novo te-
stamento abolitam. Nam cum Christus & Apostoli
poenitentiam & agnitionem peccati requirant: eaz
tem ex Lege Domini petatur: nemo sanus negare po-
terit, legem, suas etiam partes, in novo testamento
obtinere.

76. Christus certe ipse legem ad exquisitissimas
rationes docuit: ut videre est in concionibus, quae
Euangelista Mathaeo capite quinto habentur.

77. Eo enim in loco, superficiariam legis interpre-
tationem damnat: & ostendit, eam perfectissimam a no-
bis obedientiam requirere.

78. Paulus etiam cum fatetur, se non nisi legis bene-
ficio intellexisse, concupiscentiam damnari: ostendit
accuratissimam peccati agnitionem in lege Dei pro-
poni.

79. Præterea, cum & Christus & Apostoli, multi
locis homines ad nouam obedientiam cohortentur.

Lege & Euangelio.

tiones autem vitæ morumq; omnes, in decem illis verbis contineantur: nemo remouere legem à noui testamenti hominibus poterit.

80. Et certè hodiè etiam, nonnulla ex Lege Mosis obseruantur politica: ea videlicet, quæ cum Lege morali & naturali conueniunt.

81. Cùm etiam leges Imperatoriae, pleriq; omnes, ex fontibus legis naturalis & diuinæ defluxerint: deca-logus certè antiquarū non poterit, nisi legum omnium venas & scaturigines præcidere velle videamur.

82. Etsi enim i; legislatores, qui Domini spiritu illustrati non fuerunt, ad legem Dei primò & per se non respexerūt: tamen cùm suas leges ex lege naturæ hauserint, ea autem cùm lege diuina conueniat; rectè dicimus, & illas à lege Dei profectas esse.

83. De his utilitatibus D. Augustinus multa eleganter scripta reliquit: sic enim de poenitentia medicina, capite primo scribit: Ad hoc LEX data est, ut superbo infirmitatem suam notam faceret, infirmo poenitentiam suaderet. Ad hoc etiam Lex data est, ut vulnera ostenderet peccatorum. Et alibi dicit: Cùm Lex non iustificat impium de præuaricatione coniunctum, mittit ad iustificantem Deum.

84. His certè verbis luculenter ostendit Augustinus, vsum legis diuinae poenitentibus necessarium esse: ut agnitis ex ea conscientia vulneribus, ad medicum, qui vulnera illa scit alligare, confugiamus.

85. Sed de pietate & formandis ex lege diuina

B. iiiij. moribus

Esa. 63:6

Difⁿutatio de

*Aug. ad Bon.
con. epist. Pelag:
lib. 3. cap. 2.*

moribus, idem author in hæc verba scribit; Profecto
legem Dei, non solùm populo Iudaico, verùm etiam
num nobis ad instituendam rectè vitam necessariam,
nemo dubitabit. Quis enim dicat, non debere obsequi
uare Christianos, ut vni Deo religionis obsequio fu-
uiatur, ut idolum non colatur, ut nōmen Domini ne
acciipiatur in vanum?

86. At verò, quæ in D. Paulo, & alijs scriptis Cano-
nicis, de Legis abrogatione habentur: tūm de tri-
eius dominio intelligenda sunt.

87. Lex enim primūm vniuersum mortalium geni-
reum agit, quod nulla ex parte vita moribusq; ei per-
fectioni respondeat, quam ipsa summa & exquisita
præscribit.

88. Quod enim potest Lex magis exactum obsequi
um requirere: quām vt DEVM diligamus, ex tra-
corde, & ex tota anima, & ex tota mente: & prox-
imum sicut nos ipsos.

89. Nihil enim in hoc mandato est, quod non a
perfectionem summam exigatur.

90. Et cùm omnium in hominē viriū rectitudi-
nem requiratur: nequaquam iudicandum est, in lege eam dum
taxat satisfactionem, quæ apud imperfectos homines
existere potest, exigi.

91. Etenim si hodiè viueret aliquis, Adamo modi
omnibus similis: (vt is ante tristem illam cladem fuit)
certè nihil ad obsequij perfectionē maius afferre pos-
sest, quām quod à lege Domini præscribitur.

92. Nam ea non solùm actiones nostras accusat, sed
cogitationes etiam tacitas & concupiscentiam: quæ
omnibus

*Mar. 12.
Luc. 10.*

Lege & Euangelio.

omnia reformare nos in vniuersum, dum huius corporis mole grauamur, sanè non possumus.

93. Ita verò perfectam obedientiam lex postulat, ut si quis totam legem seruauerit, offenderit autem in uno, fiat omnium reus.

94. Accusationem illam sequitur iusta condemnatio. Nam cùm in omnibus reos nos esse agnoscamus: maledictiones à Domini ira profectæ, nobis incumbunt, in quibus præcipua est mors: quæ, ut Paulus loquitur, propter peccatum in hunc mundum ingressa est.

95. Quanq; autem Lex ipsa sancta est: tamen propter nostram illam depravationem, administra mortis nobis esse incipit.

96. Cùm autem Seruator noster dulcissimus, omnem Legis & accusationem & execrationem sustulerit, dū pro nobis factus est execratio: rectè dicimur à Lege soluti, & in libertatem vendicati. Nemo enim est, qui possit accusare electos DEI, cum Christus sit ad dexteram DEI, & intercedat pro nobis

97. Et, cùm Deus per Christum caput & fratrem nostrum, pater noster factus sit, eumq; erga nos affectū induerit, quem habet erga filium: omnia illa comminationum fulmina cessant: omnia vincula soluta sunt: Imo Christus ipsam captiuitatem duxit captiuam.

98. Sublata ergo ex lege sunt ea omnia, quæ nobis molestiam, periculum, & condemnationem creabant: & sic Lex abrogata dicitur: Contrà, quæ in lege vel ad agnoscendam & deplorandam infirmitatem, vel vitam rectè instituendam utilitates cernuntur: nequaq; antiquatæ sunt: sed ad emolumenta nostra retinentur.

C 99. Cùm

2. Cor. 3.

Gal. 3.

Rom. 8.

Psal. 22.

Math. 12.

Ioh. 16.

Rom. 8.

Psal. 68.

Disputatio de

99. Cū ergò D. Ioannes scribit, gratiam exortā cl
per Iesum Christū: nō sic accipiendum est, ac si Eu
gelij doctrina, omnē in nouo testamēto vsum legis
oleuerit & sustulerit: sed relinquīt, vt diximus, legi
vtilitas, vt & peccata ostēdere, & normā vitę ad regu
das actiones moresq; informādos, præscribere pol
100. Quanq; autē vtracq; doctrina, & legis et Euige
cōiungēda est: tamē nullo modo ambæ p̄miscedē in
101. Non ergò probamus Euangelij definitionem
quibusdam usurpatam: quod sit concio p̄enitentia
& remissionis peccatorum.
102. Euangelij enim vox propriē lētū & gratū num
significat: cū autem p̄enitentia concio, per se nō ad
solutionem sed dolorē excitandū elaboret; nō videm
quomodo ea in Euangelij definitionē includi debet.
103. Et cū Christus ad p̄enitentiam homines
hortatur, legē Mosis cōtra deliria Pharisaeorū accu
tius, interpreteſ: Mosis autē doctrina (vt locus Iou
quem disputandum suscepimus, ostendit) à Christis
Euangelica differat: res ipsa docet, legis & penitentia
rationes definitioni Euangelij non conuenire.
104. Non tamen negamus, vocabulum Euangelij
quando pro tota doctrina Christi usurpatam. Nam
Christus discipulis mandata daret, de toto ministerio
his verbis vſus est: *Ite in orbem vniuersum, & pra
cate Euangelium omni creaturā.*
105. Sic ergò ostendimus, quomodo D. Ioann
GRATIÆ vocabulum legi opponat: super est, vt do
mus, quare eidem veritatem opposuerit.
106. Cum auten LEX doctrina sit diuinitū tradit
& ab ipsa veritate profecta: facile intelligimus, h

Matt. 5.

Matt. v. 1.

Lege & Euangelio.

loco veritatem non mendacio, sed umbris opponi: que
in veteri testamento priscis illis hominibus, veluti pri-
mæ quædam lineæ & adumbrationes rerum futura-
rum de Christi regno, proponebantur.

107. Sic enim D. Apostolus Paulus primas hasce
lineas, ut ita loquamur, eorum beneficiorum, quæ ex-
pectabantur, in epistola ad Hebræos vocare voluit.

108. Lex, inquit, umbram obtinens futurorum bono-
rū, non ipsam imaginem rerū his hostijs, quas singulis
annis easdem continenter offerunt, nunqp potest ac-
cedentes perfectos reddere.

109. Sunt autē duplices umbræ: quædā, quæ in histo-
rijs cōspiciunt: typos fortassis dicere possem9: vt, Io-
nas typ9 est resurrectiōis Christi: alia in ceremonijs cer-
nunt, vt agnus pascalis: quæ à Paulo umbræ vocantur.

110. Cū ergo Apostolus Ioannes Christū veritatē at-
tulisse scribit: hoc vult, ea quæ typis & adumbratiōib.
quibusdam in veteri testamento prefigurata sint, per
Christum, eiusqp beneficia expressa & completa esse.

111. Iudicamus autem, umbras illas opponi, non modō
Ceremonialibus Mosis legibus, sed forensibus etiam,
& toti Reip. Hebræorū. Atqe ita D. Ioannes, nō modō
gratiam opponit moralī legi: sed umbras (per quas po-
litiam & ceremonias intelligit) confert cū complemen-
to, quod habent in regno Christi. Nā tota Resp. He-
bræorū, Hierosolymæ, tēplū, fuerū typi regni Christi.

112. Quis enim non intelligit, ea quæ de monte Sion,
Hierosolymis, in Esaiā, Zacharia, Michæa dicuntur,
de Christi Ecclesia accipienda esse: Nam Apocalypsis
disertè hoc explicat, capite vigesimo primo, vbi de no-
vis Hierosolymis loquitur.

113. Quid quod ipse Christus testatur, templum Hie-
rosolymitanū typū fuisse corporis lui. 114. Por-

H.b. 8. & 108.

Esa. 2.
Mich. 4.
Zach. 9.

Ioan. 2.

Disputatio de

114. Porrò, quis non videt, templum illud ingens, regionem latissimam, flumen maximum profluens templo Domini, (de quibus Ezechiel agit postremo capitibus) esse descriptionem regni Christi, dilatans totum orbem terrarum?

115. Et quod isthinc de piscatoribus habetur; censum ad eum domini sermonem referendum est, vbi dicitur se Apostolos facturos pescatores hominum.

116. Iam verò medicina, quam ex arborum folijs promittit; certè ad spiritualis illius medici, qui Es. 61. & Math. 9. medicū se profitetur, beneficia referenda sunt.

117. Quid autem amplificatio regni Hebraeorum, concursus omnium nationum & populorum in Estantia secundo & sexagesimo capitibus, volunt, quam regnum Christi dilatandum in totum terrarum orbem cùm tamen Propheta ita de his loquatur, ac si imperium Hebraeorum magna futura sit accessio.

118. Ita verò accuratè typi veteres ad veritatem res in regno Christi exhibendas accommodantur, ut ipse David typus Christi sit: sic enim à Hieremias, Ezechiele, Osea vocatur.

119. Sunt etiam magni nominis sacrarum literarum interpres: qui constitutiones externas Mosaicas, ad spirituale Christi regnum eruditè referunt.

Luth. in 1. Pet. 1. 120. Nam per diuertia Hebraeorum intelligunt ab

Ibidem: scriptionem populi Hebrei, quem Dominus ut vxorem susceperebat. Item per defunctum fratrem, cui fratre superstes, ducta ipsius uxore, semen suscitabat, intellectu Brentius in Ioan. ligunt, Christum adumbratum, qui ad cœlos ascendit, cap. 1. & nobis in mandatis dedit, ut animam impregnemus per

Lege & Euanglio.

per Euangeliū, quō ad omnēm pietatēm secunda
sit: & nomen eius retineamus, hæreditatēm honorū
ipsius adituri.

121. Sic promissiōnes tranquillitatis & vitæ longi-
tudinis, quas LEX suis pellicetur, verum cōplemen-
tum habent in Christo, qui suis constantem tranquilli-
tatem & fœlicitatēm, in omnēm perpetuitatēm dura-
turam, impetravit.

122. His omnibus luculenter probatur, externas res
Hebræorum, typos fuisse spiritualium honorū in
regno Christi.

123. Verūm, ceremoniæ, sacrificia, victimæ, futuro-
rum certè adumbrationes fuerunt.

124. Nam arca Domini, agnus pascalis, hircus in so-
litudinem abactus, victimæ, sanguis asper sus, baptis-
mata, expiations & iustifications, & alia multa, fuerunt
picturæ veræ illius & perfectissimæ victimæ Iesu
Christi, venturi & passuri pro salute totius mundi: de-
quibus prolixè agit Epistola ad Hebræos.

125. Christus etiam Dominus, in verbis institutionis,
disertè mentionem facit sanguinis noui testamenti: o-
stendens, sacramenta veteris illius, eas res significâsse,
quas ipse veras & præsentes exhibeat in novo.

126. Impiè ergò faciunt, qui vtriusq; testamenti sa-
cramenta, eandem in exhibitione rationem habuisse:
censem. Nam Sacra menta illa prisca, Christum ven-
turum adumbrabant: hæc, præsentem exhibent: nec
amplius vmbbris est opus in novo testamento, cū nunc:
& veritatem & corpus habeamus.

127. Etv̄ Romanenses hallucinantur, quod ex ve-
C ijij 128. teri-

Disputatio de

ceribus ceremonijs, Leuiticis illis, quasdam mutuantur: ita Sacramentarij errant, qui cum de sacra coena agunt, vmboram pro corpore nobis obtrudunt: cum vmbbris in nouo testamento locus non sit: exortio iam sole iusticiae IESV CHRISTO.

Mal. 4.

128. Præterea cum ceremoniæ illæ veteres, certis locis, temporibus, & populo alligatae fuerint: explicat dominatus externi tempore, & ceremoniæ cessarunt;

129. Et quia sacerdotium illud antiquum sublatum est: ceremoniæ etiam antiquatae sunt,

130. Hanc vmbrarum & ceremoniarum abrogationem Dominus per prophetas prædixit. Hieremias enim tertio scriptum est: Non dicent vlt̄rā, Arcanum domini: neq; ascendet super cor, neq; recordabuntur illius, nec visitabitur.

131. De abrogatione autem ceremoniarum, plena scriptura noui testamenti: in primis autem epistola Paulinæ. Ad Colossenses primo scriptum sic est: Ne quis vos iudicet in cibo aut potu, aut in parte diei festi, aut Nouilunij, aut Sabbathorum, quæ sunt VMBRA rerum futurarum: CORPVS autem Christi.

August. lib. 3. ad Bonif. cap. 3.

August. lib. 2.
Quest. super
Exod. Q. 73.

Act. 15.

August. lib. 2.
Con. Pelag. cap.
32.

132. Ut autem Augustinus interpretaretur id, quod de vmbbris & veritate h̄c in Ioanne habetur: Nouum testamentū latebris prophetarum occultari: & Novum testamentū latere in Veteri, & Vetus in Nouo: quia ut Nouum sit gratiæ & amoris: Vetus autem timoris, dixit.

133. Quod tamen ita intelligendum est, ne negasse veteribus illis salutem videamur: quam scriptura omnibus hominibus, etiā veteribus illis, in unico & solo Christi merito reposita scribit: & præclarè dixit Augustinus: in Nouo testamento mutata esse Sacra menta, non Mediatoris auxilium.

134. Scn-

Lege & Euangeliō.

334. Sentinus ergo, vmbreas iam abolitas esse; nec alia ratione reuocandas, quām vt collatione earum, cum rebus ipsis, quāe in Nouo testamento exhibentur, facta, intelligamus, quām scitē omnia priscis illis temporibus depicta fuerint, & plenissimum complementum in Nouo habuerint.

335. Fuerunt etiam veteres ceremoniæ ordinatio Ecclesiastica, & notæ professionis, ac pædagogia populi Hebræi: vt is à cæteris discerneretur; donec veniret Christus, & vt est ἐρχιποιηγν, ita faceret etiā vnū ouile.

336. Iam cùm illud discrimen Hæbræorum & gentium sublatum sit, & in regno Christi, nec Græcus sit nec Hebræus: illa signa professionis antiquata sunt.

337. Meritò itaq; Apostolus reprehendit Galatas, qui neglecta libertate sua, astringi se illis elementis patiebantur.

338. Leges etiam Mosis politicæ, accommodatæ ad antiqua illa tempora, cum quasi municipales fuerint: nunc regno Hebræorum abolido, nos non obstringūt.

339. Quarum tamen ē numero, ea ad perpetuitatem durant, quæ ex lege decalogi defluxere. Ut enim illa nō aboleat: ita nec illi riuiui, qui inde emanant, intereat.

340. Nos Iesum Christum, pro nobis passum & crucifixum, omnis gratiæ & clementiæ fontem, toto pectori complectamur: & gratias agamus immortales, quod nobis ea, quæ patribus vmbbris quibusdam proposuit, verissimis complementis, & in summa luce Euangeliū demōstrauerit. Ei vnā cum Patre & sancto Spiritu, sit laus honor & gloria in omnē æternitatē,

Ioh. 10:1

Gal. 3:

Gal. 3:

A M E N.

